
Расмий муносабат

Ижтимоий тармоқларда Учкўприк туманидаги 59-сонли оилавий поликлиниканинг шароитлари ёмонлиги, бинода иситиш тизими ишламаслиги айтилган хабар юзасидан туман тиббиёт бирлашмаси масъуллари ўрганиш олиб борди.

Маълум бўлишича, Учкўприк туман тиббиёт бирлашмасига қарашли 59-сонли оилавий поликлиника биноси 1978 йилда қурилган. Поликлиника биноси 1998 йилда жорий таъмирланган, кейинчалик ҳомийлар томонидан қисман таъмирлаш ишлари олиб борилган.

Мазкур бино 2020 йилга қадар голланд печлари ёрдамида иситиб келинган ва кейинчалик 2 дона КОР-50 русумли иситиш қозонлари ўрнатилган. 2022-2023 йиллар куз-қиш мавсуми учун поликлиникада 19.4 тонна кўмир захираси яратилган. Иситиш тизимида носозликлар вужудга келганлиги сабабли ундан фойдаланиш вақтинча тўхтатилиб, тизимда таъмирлаш, бионинг айрим ички деворларини ва хоналарини қисман жорий таъмирлаш ишлари олиб бориш режалаштирилган. Таъмирлаш ишлари тугагунига қадар 2022 йил 15 ноябрь кунидан бошлаб голланд печларидан вақтинча фойдаланиб келинмоқда.

Шунингдек, поликлиника биноси 2023 йил таъмирлаш дастурига киритилган бўлиб, 850 миллион сўм маблағ ажратилган.

Бугунги кунда мазкур бионинг иситиш тизимидаги носозликлар бартараф этилган ва даволаниш хоналарида таъмирлаш ишлари давом этмоқда.

2022-11-28 16:10:17